



Broj: UP1:01-50-2-4812-1/23  
Sarajevo, 26.10.2023. godine

Na osnovu člana 26. stav (4) Zakona o slobodi pristupa informacijama u Bosni i Hercegovini („Službeni glasnik BiH“, br. 28/00, 45/06, 102/09, 62/11, 100/13 i 61/23), a u vezi sa članom 193. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), rješavajući po zahtjevu Nasira Muftića iz Sarajeva za slobodu pristupa informacijama od 11. 10. 2023. godine, šefica Kabineta - savjetnik ministra komunikacija i prometa Bosne i Hercegovine, po ovlaštenju ministra komunikacija i prometa Bosne i Hercegovine broj 04-07-2-371/23 od 9. 2. 2023. godine, donosi

### **RJEŠENJE** **o slobodi pristupa informacijama**

Nasiru Muftiću iz Sarajeva odobrava se pristup informacijama po zahtjevu od 11. 10. 2023. godine.

### **Obrazloženje**

Nasir Muftić iz Sarajeva obratio se 11. 10. 2023. godine Ministarstvu komunikacija i prometa Bosne i Hercegovine (u daljnjem tekstu: Ministarstvo) zahtjevom za slobodu pristupa informacijama u skladu sa odredbama Zakona o slobodi pristupa informacijama u Bosni i Hercegovini („Službeni glasnik BiH“, br. 28/02, 45/06, 102/09, 62/11 i 100/13, u daljnjem tekstu: Zakon).

U zahtjevu je navedeno da se traži pristup informacijama, odnosno *informacije u vezi sa sastancima između vašeg Ministarstva i sljedećih aktera na kojima se razgovaralo o umjetnoj inteligenciji, uključujući, ali ne ograničavajući se na regulaciju umjetne inteligencije: Da li je Ministarstvo održalo sastanak sa nekim od sljedećih aktera kako bi razgovarali o umjetnoj inteligenciji, uključujući, ali ne ograničavajući se na AI regulaciju, u periodu od 1. januara 2023. do 30. aprila 2023.?* 1. Udruženje kompjuterske i komunikacijske industrije (Computer & Communications Industry Association); 2. IAB Europe; 3. Meta; 4. Alphabet; 5. Spotify; 6. Microsoft; 7. Siemens; 8. DOT Europe. *Ako je odgovor na prethodno pitanje potvrđan, molim Vas da dostavite datum sastanaka, dnevni red i učesnike. Ako su dostupni, molimo da nam dostavite zapisnike sa ovih sastanaka.*

U skladu sa članom 11. Zakona, utvrđeno je da je zahtjev uredan.

Postupajući po predmetnom zahtjevu, Ministarstvo je, u skladu sa članom 26. stav (1) Zakona i Vodiča o slobodi pristupa informacijama broj: 01-04-50-2-3460/12 od 28. 5. 2012. godine, poduzelo sve potrebne radnje kako bi prikupilo tražene informacije i razmotrilo sve činjenice i okolnosti koje su značajne za obradu predmetnog zahtjeva.

U konkretnom postupku informira se podnositelj zahtjeva da Ministarstvo nije održalo sastanke sa spomenutim akterima na kojima se razgovaralo o umjetnoj inteligenciji, uključujući, ali ne ograničavajući se na regulaciju umjetne inteligencije.

U skladu sa navedenim, odlučeno je kao u dispozitivu ovoga rješenja.

**Uputstvo o pravnom lijeku:** Protiv ovog rješenja dozvoljena je žalba Žalbenom vijeću pri Vijeću ministara Bosne i Hercegovine u roku od 15 dana od dana njegovog prijema.

U slučaju da podnositeljica zahtjeva nije zadovoljna postupanjem ovog organa, ima pravo obraćanja Ombudsmenu za ljudska prava Bosne i Hercegovine, Akademika Jovana Surutke 13, 78 000 Banja Luka.



**PO OVLAŠTENJU MINISTRA**  
**Sanja Škuletić-Malagić**

**Dostavljeno:**

- nasir.muftic@gmail.com;
- spis predmeta;
- a/a.